



**JUDICIAL SYSTEM MONITORING PROGRAMME
PROGRAMA MONITORIZASAUN SISTEMA JUDISIÁL**

Komunikadu Imprensa

21 Marsu 2013

**Tribunál Distritál Dili absolve total arguidu GA no HC husi krime burla
agravada, pekulatu no abuzu podér**

Iha 21 Marsu 2013, Tribunál Distritál Dili hatun akordaun hodi decide fo absolvisaan ba arguidu GA no HC husi krime Burla Agravadu, Pekulatu no Abuzu Podér relasiona ho utilizaun orsamentu durante tempu kampañe partidu ASDT iha tinan 2012.

“JMSP fiar katak desizaun ne’e refleta ba faktu sira ne’ebé produz durante julgamentu no konviksaun juizes koleтиву sira nian, maibe JSMP enkoraza Ministériu Públiku atu halo rekursu sei Ministériu Públiku fiar katak iha iregularidade iha ezelesaun orsamentu ne’e no implikasaun ba orsamentu estadu tanba sira nia pozisaun no atu evita esperensia hanesan iha futuru. ”, dehan Direitór Ezekutivu JSMP, Luis de Oliveira Sampaio.

Tribunál konsidera akuzasaun Ministériu Públiku ba krime sira kona-ba burla agravadu iha artigu 267, krime pekulatu iha artigu 295, no abuzu podér iha artigu 297 Kódigu Penal, hot-hotu la provadu, tanba la prienxe rekijitus iha artigu sira refere.

Tribunál konsidera katak krime burla agravadu, la provadu tanba arguidu sira nia hahalok la hamosu prejuizu ba partidu ASDT atual hodi tama iha situasaun ekonómika difisil.

Tuir-mai tribunál konsidera krime pekulatu la provadu tanba arguidu na’in rua la’os hanesan funsionariu públiku no orsamentu refere la’os utiliza ba privadu hodi halo riku a’an maibe utiliza ba atividade kampañe partidu ASDT.

Ba krime abuzu podér, tribunál mós konsidera la provadu tanba momentu ne’ebá seidak iha desizaun tranzito em julgadu husi Tribunál Rekursu relasiona ho estrutura foun ba posizaun husi Sekretariu Jerál no Prezidente ASDT. Nune’é arguidu na’in rua sei asumi kargu hanesan Sekretariu Jerál partidu ASDT no Prezidente ASDT hodi ezelesaun orsamentu ba atividade kampañe partidu ADST.

Aliende ne’e bazeia mos ba lei internal ASDT ne’ebé defini katak wainhira presidente partidu mate, automatikamente nia vicemak asumi direktamente kargu nu’udar presidente provizoriu partidu nian.

Relasiona ho desizaun ne’e, Ministériu Públiku bazeia ba artigu 300 Kódigu Prosesu Penal iha loron 15 nia laran depois simu desizaun eskrita, sei hasae rekursu ba Tribunál Rekursu.

Atu hetan informasaun kle'an favor kontaktu direktamente:

Luis de Oliveira Sampaio

Diretór Ezekutivu JSMP

Diresaun e-mail: luis@jsmp.minihub.org

Landline: 3323883